

北京師範大學圖書館 編

北京師範大學圖書館藏

稀見清人別集叢刊

第二十八冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

北京師範大學圖書館藏

稀見清人別集叢刊

第二十八冊

GUANGXI NORMAL UNIVERSITY PRESS
廣西師範大學出版社

桂林



擘雅堂詩

〔清〕張景祁 撰

擘雅堂詩

《擘雅堂詩》十一卷，清張景祁撰，清末刻本。

張景祁，原名左，字蘩甫，號韵梅，又號新蘅主人，浙江錢塘人。同治十三年（1874年）進士，曾任福建福安、連江、浦城等地知縣。晚年由福建渡臺灣，宦游淡水、基隆等地。所著有《擘雅堂詩文集》《新蘅詞》等。《擘雅堂詩》卷九《和徐毓才觀察重游泮水詩十絕句》之十小字注有：『道光甲辰，祁年十五』，甲辰爲道光二十四年（1844年），則景祁生于道光十年（1830年）。至光緒二十七年（1901年）仍在世。

是集內封面題：『光緒丁酉仲夏』，有『杭州百億煤花館藏板，福州吳玉田開雕。』牌記。卷前有光緒二十一年（1896年）葉衍蘭序。然集中收詩實止於光緒辛丑^{二十七年}除夕之作。故是集之刻竣，應在辛丑之後。

全集收詩九百多首，古體詩居多。詩作對太平軍之役、回民起義、海疆危機、中法戰爭、中日甲午戰爭、庚

子議和及近代學堂的設立等均有所反映。如《臺灣紀事詩八首》卷一、《武林新樂府》記庚申辛酉兩次失陷事 卷一、《甲

申初夏法夷窺伺臺北，兵輪游奕不絕，六月十五日攻毀基隆礮臺，旋據口岸，久而不退，詩以志憤》卷二、《送孫

閻如觀察回章門》卷二，其序曰：「甲申七月法夷突犯馬江，我軍失利。」《臺疆雜感》卷五、《恒春赤石歌》卷八，序云：「……不二年臺地

為日本人割據……」《津門感事四首》。憂國愛國之情發於筆端，可謂「憂時涕淚斑」《歲暮雜感》卷三。

其詩風駁雜，廣學漢魏唐宋諸家。仿李賀者有《范文貞公畫壁遺稿書後》卷九，其《香山黃芑香孝廉工詩善

琴……即題其秋琴館詩并呈小宋尚書》卷二：「幽蘭泣露山鬼愁」、《題宋遺民林霽山白石樵唱詩即用集中書

放翁詩卷原韻》卷三「冬青似鐵慘不花」，則儼然長吉語。《長沙侯桂舲軍門隨左侯相統兵出關剿平回

虞……》卷二仿高適《燕歌行》。《嵩園留別圖題辭》五首卷四多化用李商隱詩。《江漲用少陵韻》卷十學杜甫《旅夜

書懷》。《感逝詩》四首卷六悼亡妾，章法結構多取諸微之、義山悼亡篇什，然真情畢露。《烏岩山頂眺遠》卷六奉

王維《漢江臨眺》視角，但語勢猛健，自臻佳境。《拂衣》：「拂衣歸去莫沈吟，故國梅花共此心。養拙無如田舍

好，避囂終苦世緣深。山中叢桂留餘馥，雲外孤鴻曳遠音。欲訪成連眇何處，天風海雨入牙琴。』卷三此詩精工，融匯諸家之長處，爲律詩正調。又多次宋人韻，然未必佳。

重視煉字煉句。

『雲深壓峰頂，樹老撐岩腹』

卷五《蝙蝠洞》，

『新柳帶煙肥』

卷六《丙申早春感興》，

『海濤一綫走長

虹』

卷六《山中晚發》，

『軒開放雲入，葉墮看鳥救』

卷五

《題施柳泉先生讀書秋樹根圖》等，頗費斟酌。

（蕭亞男）

近人詩文集之十八

張夢翁贈

擘雅堂詩

光緒丁酉仲夏

堅雅堂詩

樊圃篆



杭城百億棹等銷藏
板福吳王田開彭

錢唐張紱甫大令頓學績古之士也博綜羣典不名一荻記序儷偶之筆樂府令慢之體獵鼓趣趨之文石經龍鸞之字耆之罔弗肆肆之罔弗至淵淵乎靡測其涖已若夫含宮咀商陟輿升堂鹹乎綴薪豁乎雷硠隱軫密栗沈鬱蒼涼則詩義爲尤長焉爾其晤合蜚聲登瑣韻成長事耆宿華鐘破鯨元禮目孔融爲偉器鄉先達載文節公沈文忠公敬輿結長源爲友生魏伯廣文張仲甫中翰方雲泉司馬傾羣言之源液屹五字之長城誠金壺若海注夏銅盤作龍吟當是時也歌嘯烏烏馳驟駢駢目空寰中氣溢塵外何其豪也旣而遘患亂歷敝屣拾橡栗竄菰蘆委難次於羹蔎淪鴻寶於榛蕪舊著蜩甲廬詩四表已爲六丁所攝矣廓清以還嗒焉氣索輟撚髭之苦吟悔嘔心之少作掉鞅文囿策名京雒譙啟曲江之筵書闕天祿之閣驥足

序

甫聘鵬翮遠落鞭何事而牧羊文何心而驅鱸烏虜噫嘻又何才豐而遇耆也揭來閭嶠形勢簿書判牘餘暇吟櫛漸儲江山助其旁薄蟬鳥發其謳飲測海氛而懷息懲邊事而歛歔閱歲廿稔編詩八卷或旬而鎔或月而鍛祕諸匠衍有嫩勿衍縑園客之獨覩鵲梁之正聲天張自解斯曰善鳴夫詩者志也體無正變洞達事理而已辭無解簡曲鬱已意而已彼夫琅闌其音聳聳其藻窮象彫鏤橫空排募鴛舍正而逐奇徒遺神而取類借使導原風雅希蹤漢魏既離眞詮悉屬僞體今讀君琴雅堂詩牢籠景物而弗標神韻融化故實而弗事餽釘打寫側肌而弗資攷證其長篇鉅製汨若涌泉軼若奔雲若罄控之總乎六轡若行轍之埽乎千軍大而龍象細而蟪蛄筆力所至靡不剖分其詩中之夏育孟賁乎余

索居嶺表形聯志通教學相長月遞郵笥念積素繁舊之權求領異標新之境綴以枝辭藉爲嚆引繇是而進焉靜斂寒銛渾含元氣凝神乎泰定之宇游思乎沖漠之際豈惟白湛淵之吟藁並耀湖山益信孔巢父之詩篇長留天地也已光緒二十二年歲在丙申仲冬之月館愚弟葉衍蘭序於羊城之越華書院

序

肇雅堂詩卷一

幽蘭篇

錢唐張景祁蘇甫

幽蘭在空谷孤根擢天秀眾目貴繁豔含羞不自售
子堂微馨襲襟袖冉冉風枝搖濯濯露華漱采之欲遣誰靈
脩莫予觀豈無澧浦思道遠苦難就願言葆芳節無使蕭艾
糅

吳仲英司馬自吳門寄示張子青尙書所繪梅花老
屋圖筆致高秀在仲圭元章之間爲題長古二章

我家三百梅花樹玉照堂前門奇句粉圍香陣擁詩仙舊日
風流不知處裔孫乃是窮詩客破屋唯存玉川宅愛梅竟無
一樹梅嚼蕊吹花少顏色東吳太守梅道人詩畫超絕才無

肇雅堂詩卷一

倫支硯鄧尉賞不給簪組豈足羈其身與子相期成二老子
滯江南我聞嶠歸舟未辦鬱林裝結廬那傍孤山道君昔負
郭鄰湖濱梅花遠屋吹清芬玉鱗萬點影橫水鐵笛一枝聲
入雲滄桑歷劫成朝暮喬木風煙慘非故故鄉何處覓菟裘
索笑巡檐共誰賦畫圖寄我楓亭驛鴻雪天涯倦游歷約君
卜築近南湖釃酒梅邊問消息

我年弱冠未識君閉門誦書百不聞平生嗜梅有奇癖除夕
蹋破孤山雲孤山餞歲梅如菽那得春風翦瓊玉鹿牀居士
賞清狂潑墨淋漓贈盈幅戴文節公爲余作孤山餞歲圖湖山墮
劫今幾年妙畫亦復隨雲煙觀君此畫豔且娟縞衣喚起羅
浮仙吾宗尙書挂冠早卜居夙愛靈巖好公乞身後猶寓吳門直將高
躅繼林逋豈屑畫師誇米老知君自是絕俗人玉堂揮翰爲

寫真消寒煙淡眾山睡筆底疑有梅花魂安得梅花萬千億
粲爛花光爲四壁幕天席地縱所如不築吾廬吾亦得有廬
有花且勿計願向高賢乞墨戲更爲文進補新圖莫笑乖匡
今俗吏

胡月樵觀察自浙來聞寄詩索和次韻六首

乍放激溪權來游海國城飛騰收宦轍跌宕老詩名上界鸞
笙集深山鶴斂行爐峯應早築道勝世緣輕

防秋當此日靜鎮息紛囂組甲環彭島戈船集海邦拏雲峯
勢壓鞭石浪聲撞天險人謀濟樓蘭氣早降時日本搆粵正籌海防

鄂洛南樓勝詩翁昔著鞭江山助旁薄文字發清妍輓栗傳
新績然松輯舊編羊公有遺愛峴首石同鐫君爲湖北糧道刊書數十種
抱甕灌園客忘機師漢陰風塵脫簪組雲海盪衣襟我亦不

肇雅堂詩卷一

羈士無絃空賞音臺江重回首惜別淚難禁

卅載神交久盟心水石投論詩駕陶謝開徑得羊求願我羈
枋鸞從君狎海鷗滄波渺無際萬里送清秋

瀛島神峯秀窮躋得所依孤雲纔一握散木不成圍夢憶江
鄉樂春來筍蕨肥西谿吾欲老相約埽漁磯

月樵復以詩見懷再和二首

綰符今四載拙政讓入先豪猾鋤難盡侏僂語漸便荔香支
瘴雨蓴味夢湖天準備扁舟約來聽海上絃

自折漢南柳分飛感雪鴻歸裝仗陸賈初服遂與公垂老詩
逾健匡時業未終祇今廉讓水同此鑒臣衷余館選後浙鄂君爲延譽當路藉壯行色

呈何小宋節帥八首

節鉞天南重憂時獨致身自忘顓席貴不改澣衣貧森列中
台曜全銷瘴海塵底須招贊普萬國識尊親

翊運光

宸極紆籌靖海量遲瞻溫室樹添種召公棠並耜農都慰探
丸俗亦良禱帷臨駐久謳頌豈能忘

蓋勞中夜起朝野仗敷施罕醉平泉石長吟洛社詩名山傳
盛業霖雨際昌期憂樂分先後高風曠世期公詩稿盈篋未刊

射堂春聽雨談菽昔言懽折節賓僚易推誠肺腑難圖書深
澤古風議凜當官自愧柴門客頻叨禮數寬余昔年下榻節署春雨山房

掖垣焚諫艸香案帶鑪煙開府東南會聲華四十年思詒疏
傳訓肯乞鄧侯田憺怕臣心樂愉然謝物緣

疊任師干寄時清洽泰交真成八州督豫埽

壁雅堂詩卷一

三

九重巢撤燭餘光被汗茵大度包追風隨櫪驕金鉞願先敲
楚尾吳頭路當年頌福星激清盟漢水膏澤沃香涇報國忘
衰白書勛有汗青海濱鄒魯化使節幾回經

臺島經營日天生柱石才蕃情千里誓元氣百年培雄郡因
時建新設臺北郡縣狂瀾信手回東瀛眞戶闔魚鳥望公來

武平石生冠時年少才美以詩見投和韻四首

文字由來結習深迷方何處乞南鍼蘭臺獻賦傷前事槐市
談經負素心夢裏幾曾傳彩筆爨餘猶復賞清琴元亨倘許
攜尊過何用詠嘲作酒箴來書有問字之意

那得羣賢萃講堂公餘譚藝興偏長成文價比兼金值說士
甘逾五鼎嘗更擬通賓常置驛敢勞移宅近連牆杼機要識

從心妙織錦何須問九張

石子英英玉樹枝論交久已結心知地饒畏壘鄉居樂家有
徂徠聖德詩閉戶君方研禮訓時方造廬人盡訪經師慙予持服舊學蹉跎甚樗散空驚兩鬢絲

雲箋好句忽飛來寥落風塵倦眼開碧海明珠騰寶氣鄒梁
流水識琴材西山挹爽同褰幔東閣論詩數舉盃差喜訟庭
無一事笑看桃李又添栽

壽陳魚門太守四十韻

峻望南州冠豪聲北海崇氣陵驚坐彥才老濟時雄華構題
迎鳳橋名居清談挹吐虹異科喧拔萃哲匠喜求蒙廷對遲
同父鄉居學仲弓賓欣郵駟置座取酒樽空忠孝臣家事馳
驅國士風安危關閣郡憂樂繫羣公劫運生荆杞長圍斷鞠
窮塹門環敵壘篝火燭神叢虺毒噓林黑鯨氛沸海紅登陣

壁雅堂詩卷一

四

誰拔幟磨盾獨從戎馬邑軍先合蛟門路忽窮飛書招贊普
歃血誓臧洪借一收餘燼當千督疾攻鄉兵陳組練夷艦夾
蟻幢頓遣嚴臺復何憂內賊誼甲子春君以夷兵克復甯波繕垣與列
雉集澤振荅鴻節相加殊禮今大學士左恪靖侯

綸音錄有功強臺高步展勇爵

特恩陞柱後纓影翠車前軾畫熊軍諮辟孫楚治行薦文翁
興共林泉遠情忘田宅豐結茅臨谷口息轍隱牆東桂樹小
山曲鳴鏐一舸中履綦畱妙蹟絲竹寄深衷賤子來遊日余亥至甯高門樂事同涼堂聯蕙帶露榻瀉荷甯生意闌栽藥
歡言團翦菰心期託鮑叔才地盼王融滬瀆重傾蓋吳江正
落楓杯銜金激灑詞唱玉玲瓏小隊花鬢銜珍亭角觥工簾
燈明十里街鼓忘三通舊夢懷經歲脩齡值降崧詒謀盛簪

笏壯志慰桑蓬愧我風塵謫輪君宦味冲松涼森健骨水淨
翦方瞳鄴菊香逾久商芝曲未終底須談道術辟穀事崆峒

閒情八首和曝書亭韻

零落苔花算雨細堂堂春去又今年虛廊點屐尋聲香小像
熏香顧影憐賸有哀絲彈錦瑟難期煖玉種藍田五湖此際
能偕隱擬泛鷗鷺舊日船

蘭畹清詞昔擅名頓教雙壁一時并烏噓落月思吳苑雨餞
離腸感渭城柿蒂八棱空纖恨蕉心百摺易抽萌獨憐繫柳
橋西路目斷香車水次迎

咫尺青鸞信莫知深深庭院畫簾垂瓊環照骨玲瓏想方勝
空心宛轉思薄暈有時頽醉頽小顰何事斂修眉壁箋自寫
黃花句合向碑陰署色絲

壁雅堂詩卷一

五

聽徹西樓玉笛腔二分明月瞰瑤窗羽衣何處招絳嶺珠佩
當年贈漢江牽手純絲紫翠帶扶頭荷葉立青幢通辭莫向
微波託逐隊文魚只自雙

梧桐夜雨滴空階扶病鐙前卜紫釵璧月祇宜臨玉樹黃流
何事合清淮簾橫斬竹勞尋夢扇挹齊紈喜撲懷卻羨烏衣
營別壘杏梁深處得相諧

夜視星輶漢影流甘瓜同向玉泉浮離騷名字箋香艸阿醋
心情妒石榴不見東南飛孔雀誰知西北有高樓瑣窗六扇
冰紋格衣桁藏鐙尙記不

回腸九曲儘紆紆心上靈犀已暗輪薄命自傷秋後葉好詩
偏賞夜來珠綠囊封字憐宜主寶髻抽花笑曼殊不分莫釐
峯畔月一雙清影鏡篋俱

平蕪盡處是蘅皋天末停雲意想勞絕世靈苗通雪滿經春
玉骨比香桃燕歸瀚海秋期近鳳去秦臺冷月高獨有橫塘
衣帶水到門一日幾周遭

小宋節帥奉

命大閱行部至武平賦詩恭返四首

元戎小隊擁旌旄十部宣風柳沐勞甘雨灑隨行轅遠大星
懸傳將壇高從官並珥貂蟬貴軍吏齊諧虎豹韜持節豈惟
勤校武恩周部屋徧鈞陶

夾道羣瞻外相尊巡方兩荷

詔書溫香煙佛過千家祝玉帳秋高萬馬屯夜靜貪狼銷緯
度六月暑令嚴飛鳥避轅門嚴量坐鎮從容日至計頻勞固
本根

壁雅堂詩卷一

六

楊僕樓船挽萬牛神工鑪鞴妙興修時公製造鐵甲輪船防邊自古無
長策曲突何人識遠謀職領兼圻資鎖鑰圖按絕島控矜喉
量沙測綫尋常事橫海勲名在此遊

使節追攀又隔年秋光濃到馬蹏前南樓風月分清賞北海
尊疊感夙緣廚傳減裁躬儉約方輿環歷紀旬宣自慙劇邑
鉛刀割敢乞層霄雨露偏

黃駿孫司馬奉檄轉餉秦中以途次所作詩文及行

程日記彙爲西征集索題爲賦長句五十韻

石湖蒞桂海放翁入巴蜀騎驢自紀程驂鸞亦著錄古來文
章伯英靈句嶽瀆豈惟龍門史禹穴縱奇囑使君履閩嶠妙
年逾二陸手屠橫海鯨筆振摩天鵠西征事轉譚大帥起推
轂嚴裝獵胡纓欄具縱佩玉投袂氣何勇著鞭志尤速挂帆

始吳楚龍驤駕萬斛滌漾五千里迅若雷電逐開關襄鄧開
車馬日僕僕峻阪越輶輶峯巖走函谷河流天下奇疏導震
禹服嵩華兩神闕去天只一握石紐洞薜闕仙掌井蓮簇山
靈顧而笑奈此簡書促馬頭飛雲霧眼界何時足夜來夢見
之青童跨白鹿似聞緜嶺笙半空喧法曲又疑天姥語真形
授圖籙酒醒復何有月墮萬峰綠學道志未酬弔古情更觸
緬懷帝帝都興亡如轉燭周鼎嗟久淪漢瓦問誰蓄荒壟出
遺釵沙磧埋斷鐵矧從荆杞中臺殿指涼燠君乃癖嗜古接
訪逮堯收紀事羅元珠括地扶坤軸過景任森馳宿藻蔚雲
屬書無一鴟借筆可萬牛伏殘鏡客窗裏細書動連幅雄篇
壓歸裝秀色埽塵牘長塗敢云瘁賢勞任所獨即今關隴靖
熙皞騰板屋早使事戎行虎飛當食肉而君薄封侯但求適

聖雅堂詩卷一

七

我欲江山助文藻雲物作湯沐丈夫志四方豈假牙與蠹嗟
余好遊攬都會越其六南攀漢陽柳北擊燕市筑金焦望點
黛之翠觀日浴惜皆破浪行所至無留躅揭來閩海上一官
轅下局舉臂驚盧敖結廬羨匡俗恨無壺公術大地得寸縮
更無謫仙緣夢遊且坦腹那將千載心窮此萬里目誦君西
征詩置身在嶽麓何年謝管絃同上白雲宿

余莅武平年餘移調福安林生祖延賦詩贈行和韻

四首

巖壑棠蔭未曾栽檄調旋驚後命催南界山河當扼要
武邑江界連
江界連北門鎖鑰敢言才忍隨船趁乘風去
時方五月故用東坡船趁風事
還盼鳥飛入境來爲謝士民攀戀意臨歧執策首重回

沈碑峴首笑求名折柳旗亭厭計程桃李春風猶有酒菰蓴

秋夢不勝情倚裝盡日揮豪翰
臨行書者題至
判牘連宵對短檠

暫理繭絲無寸補漫勞祖帳滿京城

莫道鴻泥迹易陳攜琴海上識天真
文成秀嶺連蟠勢筆瀉

滄波浩蕩春洛社尋詩吾欲老雪帷
譚菽爾常親尙留舊澤

楹書在家學從今有替人
尊甫子壽農部判節漳州著有存悔齋詩鈔

嘯鴉聲中別恨長蒲樽飲餞淚霑裳
看山有約期前路聽樂

何年到後堂竹報名經冠千佛喜聞詩筆授諸郎
只愁負笈

人千里置驛通賓槐鄭莊

題河陽君小像同汪冕齋大令作

離合神光畫不成圓冰攝影現瑤英
飄零法曲樽前淚貽蕩春襟扇底情照夢晶簾朝旭挂護花鈴索晚風迎生憎鸚母

聖雅堂詩卷一

八

纏繚心事觸靈犀猶憶香肩影並齊
鵲鏡臨妝窺畫黛鴛鴦涇露刺春泥感深洛浦才空老話到陽關語亦低不及盧家樓上燕年年長傷玳梁棲

同作

施德汪興禕

路隔藍橋夢未成畫圖幸得見雲英
如聞玉佩輕傳語欲解羅囊暗遞情南國幾枝紅豆發西風雙葉綠波迎闌干

一曲銷魂地恨不檀奴影合并

寶簪橫插整魚犀蜀葉輕垂鬢朵齊
翠黛終朝常對鏡紅蓮到底不沾泥香籠紺袖琴聲寂曲罷霓裳扇影低知否情懷同蛺蝶名花占盡一枝棲

題香山梁福草比部十二石齋圖冊

東坡昔夢仇池宮萬靈所都青濛濛
杜陽王屋暨天竺十二

福地無一同覺來異境渺何許但見几案羅羣峯丹邱碧城
不可接縮納九華藏壺中煙雲歎欲一拳裹末信縣圖誇龍
提吾聞羅浮古仙窟海氣融液千芙蓉飛青跳碧眾巒集橫
天萬脈拏玉龍石雲之山名雲化石石髓迸裂眞靈封中有
戴山艸堂在雲根矗立如蚪松妍奇醜怪無不有好事眞符
玉局翁主人愛石客畫石補天有筆參化工我生五嶽未涉
厯欲采片石奚囊空竭來閩嶠剖符竹武夷入夢心神通幔
亭張樂正八月未許踏月攜藤筇何況嶺海隔千里東山蠟
屐何由逢狂呼石丈不到座對君此圖惟覺層雲杳靄來盪
曾

首夏冕齋奉檄來安偕赴佳漿邨小住浹旬連牀話

雨愛其山居幽靜偶作小詩以示冕齋彼此酬唱前

重雅堂詩卷一

九

後疊韻得七首

百變雲峯入混茫岑樓高接萬松長屏除騶唱復輿適指點
人家竹徑藏商洛衣冠風古朴輞川詩卷格清蒼隨君射虎
空山裏乞借棠陰覆此鄉

排闥青山忽杳茫泉懸樹杪接谿長空林雨洗禽聲寂古洞
雲深鹿夢藏翠麥千畦晨氣潤寒松十里暮煙蒼祇慙雞黍
田家具吏欲留人入醉鄉

仙山樓閣遠茫茫坐謫紅塵落夢長地僻豈容回袖舞時清
敢學善刀藏樽前意態銷雄傑鏡裏年華愧老蒼那得高風
兼吏隱自鉏薇蒨到山鄉

隔林煙火半迷茫石磴盤紆一綫長柳絮蓋溪魚子出麥花
垂隴雉媒藏卷簾對雨秋心澹拄笏看山霽色蒼若比南邨

住陶令高情同愛水雲鄉

春蠶食葉響微茫擊鉢催詩意興長筆挽星河簾底落曾盤
雲海袖中藏敢誇白社千篇捷自笑黃州兩鬢蒼青眼高歌
向塵世結廬何必住仙鄉

鴻雪前塵易渺茫松寮聽雨話偏長追吟杜老檐花落合付
倪迂粉本藏擬情人繪山樓話雨圖笑我宦情甘澹泊輸君詩律鬥雄
蒼每思學道庚桑楚恨不移居畏壘鄉

嵐蒸遠樹氣冥茫渡失前溪路阻長雪竇泉奔疑鷺浴陰厓
雷起懼蛟藏欣聞竹瓦簷聲靜盼斷松門霽色蒼日日連牀
同夜話幾曾酣入黑甜鄉

無題

笑試麻姑指爪長松丸細碾罷晨妝平分螺斛痕千點偷學

重雅堂詩卷一

十

蠶眠字幾行灑向練裙詞句豔題來黃絹筆花香桃源杳渺
空留恨誰識劉郎與阮郎

林文忠公小像題詞

嶽嶽我公雷精孕質內攘外安邊濯鬱栗蠹茲島夷蕩搖我
疊公稟

謨算乃極其吭天驕未鏃城燒赤舌荷戈萬里海禁始撤公
之忠勤精誠不磨八州作督三策治河公之氣節槃錯益固
成臺壑荒瀚海流澍

帝念柱石起督滇黔僅苗就約吏士肅嚴洪逆搆亂西征授
鉞戎旃甫總大星遠滅潞國元老英公長城騎箕卅載猶震
威名我來閩嶠實公桑梓拜瞻徽容高山仰止

山陰倪梅卿出示亡室來文蘭夫人臨終別姊詩辭

甚悽惋挑燈屬和深有愴于予懷也

磨墨含酸句未成
鮫綃織恨淚先傾
傳書已斷青鸞翼
嘔血如聞杜宇聲
擁背燈前傷往事
離魂天末送餘生
謝池芳艸淒迷色
染入殘緣倍慘情

骨出飛龍遠
莫知深閨扶病訴
情凝彩雲墮
影浮生夢夜
雨傷神
絕命詞斑管早枯心
上淚優曇空現鏡中枝
劇憐伏枕悲吟日
垂盡春蠶尙有絲

臺灣紀事詩八首 并引

臺灣撫番開山之議
勅於沈文肅公嗣後諸大吏
相繼成之
生番次第就撫
臺北設立郡縣
繁盛倖於內地
朝命督撫歲一巡視
屹然爲瀛壖奧府
非止如鄭氏建國
圍於一隅也
偶閱近人臺灣雜

聖雅堂詩卷一

二

詩病其撫拾瑣屑未見其大因另賦八章以紀之

塞天箐木絕人寰

帝力經營到百蠻
自昔嶠夷曾建宅
尙餘盤古未開山

朝廷鄭重珠厓議
瀛海周遭赤縣環
怪嚴霜飛暑路
八同

關外振師還
光緒元年六月吳興軒鎮軍開路至八同關嚴霜積嶺土皆衣皮

洪濤山立鹿門開
澳市風腥蜃戶來
樓閣幻成蛟蜃氣
兵戈

橫掃蠲懷臺
生番嗜殺取蠲懷爲飾玩以多者勝
憤從蕃舶徵瓊寶
誰向昆池

驗刳灰莫訝趙佗輕
敵漢擎天孤柱亦雄才

衝波樓櫓下澎湖
銜壁降王出國都
絕域漫誇天設險
靈山

忽見海呈圖
脩羅好戰今何有
窮髮開荒古亦無
從此冠裳

被殊俗不緣吾道嘆
乘桴

天教鼉足奠滄溟
海若東來盡效靈
氣洩金銀窮地脈
志授

神怪補圖經
難番也解輸寶布
堆堞爭看建屋
領持節那堪回首望中原一髮萬山青

怪雨盲風海外多
拊循百洞待天戈
屯田有策師充國
辟瘴無方療伏波
但使投文馴巨鯢
底須蒙鼓斫靈鼉詔書惻怛來窮島
喜聽蘆笙四面歌

奧府由來擅海王
不因地力盡農桑
接天瘴雨桄榔暗
繞郭鱗塍著芋香
漫說豐稷占鹿社
休矜貨貝出龍堂
願教佩帶無牛犢
柴戟何勞歲渡洋

琅嶠蒼茫接大瀛
全疆鎖鑰上游爭
穹廬散結千邨寨
戰艦分馳十道兵
地徧諸夷成互市
天生一島作長城
防邊早建憂時策
莫倚旃裘帳下盟

憶從閩海逐浮鷗
仰愧元珠濁水求
蠻語未參宣武幕
月明空弔庾公樓

客授奇句破浪何年補
壯遊應笑張騫多鑿空
欲從鄒衍問神州
壬午冬月鄉行雜興

嶺畔家家盡種茶
焦坑祇待擷春芽
山空歲晚何人顧
開偏千林玉雪花

傍舍沙田足薯糧
金刀縷剖曬斜陽
莫貪飽飲紅蓮味
試與評量玉糝香

鱗次高塍抱嶺腰
黃雲割盡宿根饒
忽看艸甲抽鍼出
錯認春風弄麥苗

寒溪深碧護平田
隔岸人家起暮煙
日夕更無衙鼓報
但看烏犢過門前

聖雅堂詩卷一

三

綫路盤紆石起棱筍與直下勢凌兢兒童拍手驚相笑讓爾
飛猱絕壁騰

腰鑣纔罷又翻犁寸土千金力作齊破曉霜風寒砭骨看鋤
菜把過東畦

佳醞何須問霍童邨邨釀酒說年豐篝燈破廟荒寒甚且試
山家琥珀紅邨釀多赤色佳者不減留德霍童

高冠椎結暈妝新白足凌霜慣負薪那識姬姜有齊魯漫將
嫁娶託朱陳鄉民論賤者有雷藍鍾三姓嚴弗與齒自爲婚如其婦女高冠盈尺妝飾特異

水出三江濁浪雄船頭芝蓋坐障風誰知鳧履雙飛客只在
漁舟一葉中

冷看晴窗撲凍蠅曉寒衣袂欲生棱閉門十日攤書坐枯寂
渾如退院僧

壁雅堂詩卷一

三

經歲無成種董節勞生自笑石田荒余屢舉幼子皆不育癡心欲乞東
鄰術養得松苗爾許長

護世慈悲仗宰官那教纖素化儒冠卻裁長老伊蒲饌充作
先生苜蓿盤前年邑紳請撥城廂寺租半充書院僧院喧鬧幾釀巨案

百畝荒坡地脈回征符火急到門催天邊黃鵠渾多事報道
人家飯芋魁悠遠堪漲出新田二畝奉文升科甚急

入市虛傳猛虎行何勞急舉渡頭迎篙師歷徧層灘險平地
風濤總不驚時訛傳鄰境土寇竊發閩署驚惶促余回縣

放言

朝廷廣言路將以求直諫豸衣設專官獻納得抒見糾彈乃
其職自古號鐵面尙憐驄馬驕抵死寒蟬咽

冲聖虛前席風會又一變雍容講幄臣論思邇英殿謂當正

牙笏何事奮舌箭鳳皇化鷹鷂毛翮有餘健朝封阜囊書夕
冠黃門選甯嫌操刀割庖視要有辨以此獵崇階趙堯果時
彦坐令悲馮唐白首不自薦右官錄

夷吾治齊國連鄉籍壯丁山公策平吳不去州郡兵軍實果
蒐討所在皆堅城云何受閭寄伍籍多空名奔走到汲冢壯

夫供使令豈無荷戟士種菜資餘生府帥大巡閱迭代等踐
更歸來卷鉅旆掩壁仍虛營糜餉歲億萬縮額徒自羸垣墉

既隙壤何以藩門庭安得臨淮將風雲色變驚洗甲且勿言
挽此頽波傾右營制

五服屏要荒兩畛限南北未聞旃裘長環列卧榻側世變固
無窮莫矢回天力用夷杞稱子古訓要足式武靈變胡服國

壁雅堂詩卷一

古

激我短乞彼長焉肯盡其術非童遣入海龍節徧異域閉關
幸無事養患恣蝨腹載書抗顏行辱國更遑恤三復徒戎論

束手空嘆息右邊防
廉吏何可爲斯言特戲耳雀鼠盜太倉捫心已汗泚念當養

其源豈獨貴知止脂膏出敲朴顧欲貽孫子士方困一衿恆
苦飢欲死得祿幸有餘醉眼迷金紙色飛檄在手機歷鼎顛

趾閱茲番逮身胡勿戒象齒明刑或倖逃幽室有環視桀桀
廿六鐘聚散等蠹市心激慮自澹塵滓何由起不見吳隱之

笑飲食泉水右吏治

英濟夫人小像題詞

并引

夫人姓張氏諱雲字英敏漳浦莆美堡人明成化
中誕生祥光滿室幼嫻內儀長好元學談休咎輒